

Кому Республикаса том войтырлөн газет



Ыджыд Вермөм лунөн!

**Тайö
НОМЕРЫН**

Ёна некод оз тöд, кор да кодi чужтiс рурфинг. Но тöдса, мый керка вевтъястi гуляйтны-ветлыны окотитысьыс пыр вöли томудов костад. Вевтъяс вьвти чечавны да котравны окотитысьяслөн öти мог - видлыны вьль сьölöмкылöмгъяс, видзöдлыны му вылас вылисянь, звук жежлö кывны асьтö лэбачöн да босьтны сiдз шусяна адреналин.

**7
Л.Б.**

1991 воын Коми пединститут бердын воссöма сиктса енбиа челядылы республикаса очно-заочной школа (лицей). Первойөн восьтöма öдзöсьяссö физико-математической юкөн. Медводдза воö пыран экзамен сдایتöма республикаса 17 районьыс 150 морт. Физико-математической юкөнö пырöма 29 морт. Вочасөн сөсса и мукöд юкөн воссöма. Лицей йылысь паськыдджыка...

**8-13
Л.Б.**

Куритчöм ёна паськалöма бөръя кадö. Сыысь мортлы кöвъясьö уна пöлöс висьöм: шөркодя быд квайтöд морт кулö куритчöмысь. Оз коль ни öти лун, ог кö кывлöй либö аддзöй, кымын лекторсö вайö сийö. Но том йöзöс тайö оз повзöд, весиг ичöt класса куритчöны. Мыйла том йöз куритчöны?

**22
Л.Б.**

Со и май тöлысь нин бьвала вылын. А такöд тшöтш и Победа лун. Тайö лунö ставным кутам аттьöавны ветераньсöс, Айму вöсна Ыджыд тышын вермысьясöс. Быд олöма мортлы окота сетны ичötик козин. Сыктывкарса 80 номера челядылы садйын уджалысь Вероника Нестерова миян лыддьысьысыясы вöзйö вöчны май 9 лун жежлö откыртка.

**16
Л.Б.**

Ыджыд Вермöм лунöн!

Пыдги пуктана ветеранъяс, тылын уджалысьяс, пöль-пöчъяс, прагедушъяс да прабабушъяс, Коми муса став олысь! Чолöмалам тiянöс Победа лунöн!

69 во нин кольöма тайö медея шуга да дырсьыс-дыр виччысяна лунсяньыс. Тайö кыпыд тувсовъя гажыслысь тöдчанлунсö ми пыр кутам сьölöманым. Медея эськö öнiя том йöз тшöтш пыр кутисны тöд выланьыс, кутшöм сьöкыда шедiс тайö Победаыс пöль-пöчъяслы, кымын сьöкыглун ковмис венны налы, мыйта вир кисьтисны да кымын юр пуктисны мирной олöм вöсна.



Муöдз копыр да сьölöмсянь ыджыд аттьö Вермöм шедöдöмысь!

«Йöлöга» газетын уджалысьяс

ЧУКÖРТЧЫЛÖМ Апрель 23-25 лунъясö Сыктывкар вочаалис Россияса том йöзлөн «Информационный поток» федеральной проектлөн медиафорумö пырöдчысьясöс. Аддзысьлöмсö котыртлисны том йöзлөн удж кузя федеральной агентство, Коми Республикаса Правительство, Сыктывкарса университет.

Велöдчисны журналистъяс

Медиафорумлөн медшөр мөгыс - водзмöстчысь томудовлы журналистикаын кыпавны отсалöм, общественностькöд йитöд кутны велöдöм, соцсетъын паськалöм, блог нуöдöм, интернет-видео да медиаменеджмент.

- *Чайтам, мый форумьыс отсалас уна регионьыс воём том лидерьяслы юксыны тöдöмлунöн, аддзысьлыны нималана журналистъяскöд, - тöдчöдiс Комиын образование министр Владимир Шарков. - Öнiя кадö юöрыд босьтö колана ин миян олöмын. Унатор сы сайын, кызи журна-*

листъяс юөртöны сийö либö мөг лоёмтор йылысь. Медиасфералөн аския луныс том специалистъяс сайын, йитчöма налөн профессиональной да мукöд поэянлункöд. Нимкодъ, мый миян республикаын чукöртчисны томудов рытыввойыв кытшаса форум вылын.

Медиафорумö пырöдчисны филология, журналистика факультетъясысь студентъяс, студенческой СМИ-ын уджалысьяс, 18-30 арöса том журналистъяс, журналистикаын зильысь водзмöстчысь томудов, фотографъяс, PR-ын уджалысьяс, блогеръяс.



**Көрткерөс районуна Победа лун во-
дзын мунө «Знамя Победы» эстафета.
Акцияө пырөдчөны сикт-грездъяс. По-
бедалөн знамя воліс и Көрткерөс райо-
нын Ыджыдвидзса велөдчанінө.**

Сиөма Айму вөсна Ыджыд тышлы



Школаса линейка дырйи делегация, кытчө пы-
рисны Н.И.Симпелева, М.Ф.Бушенёва, Р.Г.Паню-
кова, Т.В.Панюкова, сетіс Победалысь знамя велөд-
чысыясы. Быд перемена дырйи ныв-зон өчерөдөн
сулалісны почётной караулын.

Та кындзи школаын нуөдісны и мукөд удж. Лун
чөж уджаліс школаса музей. Музейөн веськөдлысь
О.И.Мишарина котыртліс 5-9 классалы «Страни-
цы воспоминаний фронтовиков В.В.Попова и
И.В.Ивашева» экскурсия. 1-4 классалы вөлі дасъ-
төма «История обелиска и стеллы в селе Большо-
луг» презентация. Классъясын нуөдісны сідз шу-
сяна «урок мужества».

Ыджыдвидз школаса «Бриз» шөрин дасътіс Айму
вөсна Ыджыд тыш йылысь стенд. Библиотекаын
котыртлісны «Вспомни стихи о войне» аддзысьлөм.
Перемена дырйи юргисны война йылысь сьылан-
кывъяс. Лун помын классөн веськөдлысьяс нуөдіс-
ны классной час.

Миян корр.



ВОДЗМӨСТЧӨМ

**«Победалөн знамя» акция мунө стра-
на пасъта. И шусьө тадз Айму вөсна
Ыджыд тышын Вермөмлөн медшөр
символ вөсна. Стөч 69 во сайын нима-
лана дөрапас вөлі кыпөдөма Рейхстаг
вылө.**

Ыджыд Вермөмлөн знамя

Эстафетаөн миян сиктө знамя воис апрель 15
лунө. Медводз сійөс вочааліс войнаса ветеран Сер-
гей Лукич Куликов, коды өні 92 арөс нин. Сы
бөрын знамя воис сиктса библиотекаө, а апрель 16
лунө - сиктса медічөт войтыр дөрө, детсадийө. Дзо-
люкъяслы знамя йылысь нуөдісны колана сёрни.
Сы бөрын Ыджыд Вермөмлөн медшөр символ воис
Шойнатыса челядълы содтөд төдөмлун сетан
шөринө. Тани сійөс вочааліс Алексей Калистратов.
Сылөн ыджыдджык вокыс, Сергей Калистратов, 4
во помся пырөдчө корсыяян уджө, некымын экс-
педицияын нин вөлөма. Весиг эм «За активный
поиск» знак. Сиктса музейын Галина Ивановна Па-
нюкова петкөдліс Победалөн знамя йылысь пре-
зентация, висъталіс и на йылысь, кодыяс да кы-



дзи лэптисны Рейхстаг вылө знамясө. Лои казъ-
тыштөма ас сиктсаөс, кодыяс паныдалісны Побе-
дасө Берлинын: Василий Максимович Микушев,
Иван Иванович Савельев, Николай Данилович Игу-
шев, Михаил Аристархович Микушев. Сідзжө лои
казътыштөма сиктса обелиск да на йылысь, кодыяс
бөрсө эз воны война вылысь. Галина Ивановна
висътыштіс и миян сиктса мукөд фронтөвик йы-
лысь, мый водзынджык вөлі төдтөм. Шуам, Панте-
леймон Сергеевич Ширяевлысь нимсө пасйөма Ле-
нинград обласътаса монумент вылө. А Иван Ману-
илович Ширяевөс вөлөм лыддьөны концлагерын
кувсьөмаөн, а мортыс ловйөн кольлі. Галина Ива-
новна нөшта петкөдліс миян районаса корсыяян
отрядлөн удж йылысь видеосюжет. Медбөрын став
окотитысь вермис снимайтчыны Победалөн знамя
дорын.

*Ольга ПЕЧЕНИЦЫНА,
Көрткерөс районуна Шойнаты сикт.*

КОЛАНА УДЖ

Юркаrsa 16 номера школалон «Дорожный патруль» отрядса том инспекторъяс дасьтысьоны ветлыны Россиялон юркарё. «Я гражданин России» став Россияса акциякөд да «Притормози!» уджтаскөд йитөдын найö пырөдчисны социальной проектъяс дасьтөмө.

Öтлаын вoсьлавны гажаджык


Конкурсö позис пырөдчыны уна тема серти: көть дзоньвидзалун, көть мулön озырлун йылысь. «Дорожный патруль» дасьтөма «Вместе весело шагать» удж, öд ОБЖ урок да ГИБДД инспекторъяскөд аддзысьлөм дырйи найö тшöкыда кывлöны туй вылын доймалөмъяс йылысь. Том инспекторъяс да налön веськөдлысь Любовь Адиковна Маренюк мөвпыштисны видлыны выннысö и Россия тшупöдын. Уна сикас ворсөм, велöдан пособие челядь вöчисны ас киön, асьныс серпасасисны-дасьтысисны.

Том инспекторъяслөн отрядысь ныв-зон пырөдчисны нöшта «Притормози!» рейд вöчан уджö. Челядь дасьтисны листовкаяс да корисны шоперьяссö лоны сюсьджыкөн пода мортлөн туй вуджанинын. Пемыд дырйи мортыд торйөн нин лёка тыдалö, абу кө пысалöма паськөмас синмö шыбитчанатор.

Асланыс проектөн, көни челядь корöны Коми Республикаса да Россияын олысьяссö колана ногөн кутны асьтö туй вылын, ныв-зон шедöдисны медводдза места. Öни налысь уджсö ыстөма Москваö, и ныв-зон ёна вичысьоны кывкөртöд. Кага киön быд вöчөмтор донаджык лавкаысь ньöбөмысь. Сидзкө, и тайö уджсö вылö донъяласны верстыö, öд челядьлөн зильöмыс абу весышөрö.

«Дорожный патруль» да юркаrsa Госавтоинспекция корöны ставнысö тöдны туйвывса правилöяс!

Юркаrsa ГИБДД-лөн юөр серти



ВОДЗМӨСТЧӨМ

Неважөн Комиысь делегация ветліс Германияё войтыркостса финн-йöгра ХХХ научно-студенческой конференция вылө. Дженьыдджыка кө - IFUSCO вылө. Студентъяс пөвстын сійö паськыда тöдса. Тавося IFUSCO муніс Германияса Гёттинген университетын. Тані жö комын во сайын татчөс студентъяс водзмөстчөмаөсь да медводдзаысь нуөдöмаөсь конференция. Конференцияё вермөны пырöдчыны студентъяс да аспирантъяс (докторантъяс), кодъяслы абу веськодь финн-йöгра войтырлөн история да налөн олөм-сөвмөм.

Комиысь делегацияыс вөлөма вель ыджыд. Коми Республикаса госслужба академияысь, Сыктывкарса канму университетысь да вөр институтысь, а тшöтш и Ухтаса канму технической университетысь дас көкъямыс студент да öти веськөдлысь - академияын велöдысь Марина Федина. Содтöд на Москваысь, Финляндияысь да Эстонияысь коми студентъясыд волöмаөсь.

Сыктывкарсянь медводз Москваöдз, а сэсся Ганноверöдз лэбöмаөсь самолётөн. А сы бöрын Гёттингенöдз мунöмаөсь матö кык час поездөн. Тайö ветлөм йывсыс сёрнитім Ольга Баженовакöд, Сыктывкарса канму университетын коми да финн-йöгра кафедраын велöдчыськöд.

- *Кафедра вылын висьталісны, мый эм поэзалун ветлыны Германияö да петкöдчыны туясян уджөн, - шуис ныв. - Окоитысьсыс, дерт, уна вöлі, но найö эз удитны вöчны суйöр сайö ветлан паспортсö. Та вöсна кафедрасянь сөмын кыкөн мунім - ме да коймöд курсын велöдчысь Василий Чупров. Васялөн темаяс вöлі Изъваын тунасьöм йылысь, а*

IFUSCO - Германияын

ме лöсьöдгi докладсö öнія коми поэзия серти. Презентация, доклад да тезисъяс коліс вöчны кум кыв вылын - англияөн, рочөн да комиөн.

Самолёт пуксьöм бöрын дзик пыр тыдовтчис, мый воим Германияö. Овмöдчөминъясас керкаыс сулалöны инөн-ладөн, гөгөр пöрадок, сöстөм да дзим-дзурк. Тöдчö, мый уна архитектор уджалöма стрöйбаяс кыпöдöм вылын. А Россияти лэбан да, керкаысыд кодi кыдзи сулалö.

Конференция вылө волöма 143 морт Эстонияысь, Финляндияысь, Германияысь, Венгрияысь, Нидерландыысь, Россияысь, Белоруссияысь, Канадаысь, Латвияысь, Польшаысь. Абу вермөмаөсь локны Йошкар-Олаысь том йöз. Докладъяснысö лыддьöмаөсь вит секцияö юксьöмөн - литература, история, лингвистика, фольклор да социология.

- *Суйöр сайын конференциясö котыртöны студентъяс, - водзö висьталіс Ольга. - Та вöсна не-*



кутшöм официальной морт эз вöв. Миянöс шензьöдiс и сійö, мый докладъяснымс эз донъявны. Окоита вöлі паськыдджыка сёрнитны темаяс йылысь, но эз тай артмы.

IFUSCO котыртчывлö быд во. Локтан воö сійö мунас Венгрияса Печ карын, а сы бöрын - Йошкар-Олаын.

Том йöз олöмаөсь торъя семьясын либö сiдз шусяна хостельясын. Василийлы мойвиöма көзьяванас - весиг Берлинöдз том мортс нулöмаөсь машинаөн. А Ольга олöма хостельын - эг пö көсйы некодлы дöсадитчыны.

Уджалөм кындзи, гөсьтыслы котыртолöмаөсь и быдсикас экскурсиясö, тöдмөдöмаөсь Германияөн да сэтчөс войтырлөн оласногөн. Том йöзлы, дерт, суйöр саяд ветлөмыд ёна воöма сёлөм вылас. Öд тані найö аддзисны виль ёртъясöс, бура коллялісны кад, сёрнитісны англия да немец кывъясөн, тшöтш и öткодя мөвпалысьясöс паныдалісны. Кутшöм лоö бур, мөд во кө аддзисясны важ тöдсаяс моз.

Надежда ПУНЕГОВА



**Пөчө
Кудийсы**

Быд войтырлөн эм аслас традиция. Коми пырджык вөчлісны сямөдысь да дөраысь аканьос, и сійө вөлі аслыспөлос видзөгөн. Сямөдсө гартлісны, костас пуктывлісны кабала, кытчө гижлісны мамсяньыс буркыс. Сарапансө аканьлы вурлісны олөма, но шань сьөлөма мортлөн паськөмысь - кузь соя ковта, юбка, водздөра, бөрьясө мичмөдлісны тесьмаөн. Аканьон ворсысь нывкаяслы татшөм ногөн сиисны шуда олөм да уна челядь чужтөм. И ассыд аканьтө оз позь вөлі некодлы козьнавы.

Важся аканьяс олөны весиг өні на. Өд сямөдысь вөчөмторьяслөн нэмыс зэв кузь. Да и сямөдыд - зэв аслыспөлос, куснясысь да шоныд материал. Эз прөста важ олысыяс вөчавны сыысь керка вевтыяс, гожся оланінтыяс, пыжтыяс, көмтыяс, керка пытшкын коланаторьяс, челядьлы чачаяс.

Сямөдысь медкокни вөчны быдсикас пань да көш. Тайос кө велалан - позьө видлыны вөчны туис, көрөб, наберушка. Сэні нин комас велөдчыны колана ногөн вөчны вурис. Медсьөкыд сямөдысь велөдчыны кысыны.

Коми акань



Но велалан кө - тэнсыд вөчөмторьястө окотатырысь кутасны ньөбны матыссаыд да ёргтысыд.

Эжваса коми культура шөрин да «Эжваса коми культура» общественной котыр вөчлісны «Коми акань» выставка. Төлысь чөж шөринө волысыяс вермисны төдмасыны Коми Республикаса олысыяслөн национальной паськөмөн, коми охотникыяслөн традициясөн да велөдчыны вөчны ас киён аканьясөс.

Эжваса коми культура шөринлөн юөр серти

ГАЗ

Йозкост творчество да квалификация кыпөдан республикаса шөринын вөчисны кывкөртөд «Томлун» республикаса творческой мастерскойлы.

Сылісны да йөктісны

И сідз, 2014 вося мастерскойын ассыныс вынъяссө видлісны Сыктывкарысь, Сосногорскысь, Ухтаысь, Печораысь, Сыктывдін, Сыктыв, Көрткерөс, Емдін, Кулөмдін да Луздор районтыясысь 27 енбиа котыр. Жюри найос бөрийс 100

сайө петкөдчыны көсьысь пөвстысь.

Ордйысисны «Академической вокал», «Йозкостса вокал», «Эстрадной вокал», «Классической хореография», «Йозкостса хореография», «Спортивной бальной йөктөм» да «Ивлавывса йөктөм» нимпасыясын. Апрель 28 лунсянь быдса вежон чөж жюри донъяліс енбиа войтырөс. Таысь кындзи котыртчывліс профессионаляскөд аддысьлөмтыяс, кывкөрталіс ставсө май 4-өд лунө кыпыд гала-концерт.

Миян корр.





Ёна некод оз тӧд, кор да кодӧ чужтӧс руфинг. Но тӧдса, мый керка вевтъястӧ гуляйтны-ветлыны окотитысьыс пыр вӧлӧ томулов пӧвстын.

Медводз сёысь мӧвпышт, а сэсса...

Вевтъяс вевтӧ чечавны да котравны окотитысьяслӧн ӧти мог - видлыны выль сьӧлӧмкылӧмьяс, видзӧдлыны му вылас вылісянь, здук кежлӧ кывны асьтӧ лэбачӧн да босьтны сӧдз шусяна адреналин.

Повтӧм Александр руфингӧ пырӧдчӧма некымын во сайын. Удитӧма нин кайлыны юркарса вель уна керка вылӧ. Ичӧтсяньыс нин кажитчылӧма вылісянь нимкодьясны карӧн да фотографируйтны.

- Медводдзаясьсӧ керка вевт вылӧ кайӧмтӧ помнитан? Эн пов сэки?

- Первойысьсӧ ӧртъяскӧд кайлім ӧкмыс судтаа керка вылӧ, сэсса кутім видзӧдавны мӧд интереснӧйджык стрӧйбаяс, весиг сӧдз шусяна «убежищӧ» лэччылім. Сэсса нин кран вылӧ кайлім, весиг ЦУМ вылын нин вӧлім.

- А кутшӧмджык сьӧлӧмкылӧмьяс тэнад керка вылӧ кайӧм бӧрын чужӧны?

- Медся интереснӧйыс - восьтыны йиркывса ӧдзӧсысь томан да казаятӧг петны керка вевт вылӧ. А петӧм бӧрас дзык

пыр заводитан корсьны снимайтӧм вылӧ мича ин. Видзӧдны вывсьянь - рочӧн кӧ, круто! Торйӧн нин, кор он пов сысь. А крыша горышас пукалігӧн мӧвпъясыг ясыгджыкӧсь, сӧмын оз ков видзӧдны увлань, кыз шуласны, оз ков асьтӧ лыддьыны кутшӧмкӧ «супергеройӧн».

- А кызкӧ колӧ оз дасьтысьны руфингӧ пырӧдчӧм кежлӧ?

- Менам Антон ӧрт пыр шуӧ: тэ медводз каян, сэсса паника ставсьыс вӧчан, а физподготовкыг эськӧ коліс, торйӧн нин колӧ тэрыблун да пельклун.

- А уна керка вылӧ нин кайлім?

- Эжваын чукӧрмис кызь вит керка нин, неважӧн со нӧшта кык крыша вылӧ кайлім, коліс дас кык судтаа стрӧйба «босьтны». Радейта краньяс вылӧ кавшасьны да кабинасяньыс нимкодьясны карӧн. А юркарын вель уна керка вылӧ нин кайлі. Кажитчӧ «убежищясьсӧ» пыравны.

- Висьтышт на йылысь, он пов сэни?

- Зэв ёна пола, кор веськала сэтчӧ: пемыг, кӧдзыг, кок улаг йыыс потласьӧ, пидзӧсӧдзыг ваын, но сэтшӧм интереснӧ! Первойсӧ пыран да полӧмысла ставыс йирмӧгалӧ, но век жӧ мыйӧнкӧ кыскӧ тэно сэтчӧ.

- Тэнад вель мича снимокьяс артмӧны. А мый водзджык чужис - фотографируйтны радейтӧм либӧ позьтӧминьястӧ ветлӧм?

- Унджык снимоксӧ вӧчӧ менам Антон ӧрт. А ме сэсса сьӧд ӧтув. Медводз, дерт, керка вевтъястӧ ветлӧм чужис. Помнита, кызди первойысь кайи ЛПК-са ӧти труба вылӧ, тайӧ 100 метр судтаа «пӧчыс» менӧ пыр кыскис ас дорас. Буретш сэтӧсянь ме и вӧчи медводдза снимок. Татшӧм стрӧйбаясыс зэв ӧпачнӧйӧсь, сы вӧсна мый вель важӧсь нин. Ме серти, кайӧм водзын колӧ сёысь мӧвпыштны, ӧг ӧдзӧм бӧраг сувтнытӧ он нин вермы.

- А руфингӧ пырӧдчӧны кытырьясӧн либӧ ӧткӧн?

- Ме эськӧ шуи, мый параясӧн. Кор тэ вылӧ видзӧдӧ йӧз котыр, аслыг абу лӧсьыг, чужӧ майшасьӧм-полӧм. Ме радейта чӧвлӧнь. Эм торья правилӧ, кодӧс ми зӧлям кутны тӧд вылын.

- А нывъястӧ аскӧд босьтланьыд?


- Ог. Сӧмын дзык ӧтчыдысь и босьтлім. Тайӧ ӧд зэв ӧпачнӧйтӧр, унаӧн эськӧ вӧзйысьӧны, но ми ог босьтӧй. Оз позь - и ставыс.

- А мый тэныд руфингыс?

- Руфинг вӧчӧ менӧ аширӧн, ставсьыс мыйӧнкӧ торьяланаӧн. Тэнад эм кутшӧмкӧ мог, кодӧс колӧ пӧртны олӧмӧ.

Кира НИКИТИНА

Руфинг - керка вевт вылӧ кайӧм-ветлӧм.





Сöмын бöрйы, кытчö кыскö

Лицей - велöдчанін, кытöн 9-11 классьяса сиктса челядьöс пыдисянь велöдöны торья нырвизьöд. Тані кыпöдöны сиктса челядьлысь тöдöмлун, культура, велöдöны овны карын, велöдчыны вузын. Лоин кö лицейстöн, сідзкö, веськалін карса выль олöмлөн озыр культураö. Тані велöдчöмыс мунö квайт нырвизь серти: физико-математическöй, географо-биологическöй, филология, химико-биологическöй, финн-йöгра филология да суйöрсайса кывъяс велöдан юкөнъяс.

Медводдза тур венясь велöдчысьяс локтöны арнас Сыктывкарö да сдایتöны мöд турлысь пыран экзамен. Лицей уджалö ашшөр велöдан план серти. Очно-заочнöй велöдчанног тшöктö ныв-зонмöс ёна велöдчыны ашшöра сессияс костын. Ныв-зон вöчöны контрольной удж став дисциплина серти, гижöны сочинение-реферат да мукöдтор.

Быд велöдчысь ас кöсийм серти вермö бöрйыны творчествоа студия: художественно-графическöй, вокально-хорöвöй, хореографическöй, мультимедийнöй. Студияын велöдчöм сöвмöдö енбисö, мый и тыдовтчö стенгазет, мультимедийнöй ролик дасьтөгөн, спектакль да концерт дырйи. Лицейстьяс творчествоа удж вöчöны быд сессия помын.

Став сьöлөмсяньыс зильöны-велöдöны

Лицейса велöдысьяслөн уналөн эм учёной степень. Велöдысьяс тöдöны - быд велöдчысь сяммысь, сöвмöдны кö сылысь енбиалунсö. Та понда зильöны сетны содтöд тöдöмлун, велöдöны мөвпавны, ашшöра велöдчыны, тöдмöдöны вузын велöдчан методикайн.

Сиктса челядьлысь сöвмöдöны енби

1991 воын Коми пединститут бердын восььöма сиктса енбиа челядьлы республикаса очно-заочнöй школа (лицей). Первойөн восьтöма öдзöсьяссö физико-математическöй юкөн. Медводдза воö пыран экзамен сдایتöма республикаса 17 районуясь 150 морт. Физико-математическöй юкөнö пырöма 29 морт. Вочасөн сэсья и мукöд юкөн восььöма. Медводдза выпускнöй рыт вөлöма 1993 воын, физмат юкөн сэки помалöма 21 морт.

Медшöрыс, мый торйöдö лицейсö республикаса мукöд велöдчанінысь - тані ставыс вöчсьö буретш сиктса челядьлысь енбиалунсö сöвмöдöм могысь.

Оз вунöдны велöдчанінсö

2014 воын лицейын вöлі 22-öд выпуск. 23 воён лицей помаліс сикт-грездса 3.000 ныв-воён водзö мунісны велöдчыны Коми Республикаса да Россияса вылыс тшупöда велöдчанінъясö. Лицейса ныв-зон мукöд сиктса велöдчысь серти бурджыка сдایتöны ЕГЭ, öдйöджык велалöны студенталан олөм дорö, велалöны овны карын. Лицейстьяс уджалöны экономика, велöдан, бурдöдан, журналистика, социкультурнöй нырвизьясын. И, дерт, оз вунöдны асьынысь велöдчанінсö да велöдысьяссö.



1991 восянь лицейын уджалöны енбиа велöдысьяс...

**Филология юкөн:**

Т.Б.Истомина - Коми Республикаса заслуженной уджалысь, СГУ-са пединститутын литература кафедраын доцент; Н.И.Волкова - Коми Республикаса заслуженной уджалысь, СГУ-са пединститутын роч да коми кывъяс велöдан кафедраын доцент; Т.П.Королёва - Коми Республикаса заслуженной уджалысь, филология факультетын декан.

Физико-математическöй юкөн:

Н.Г.Елизарова - Коми Республикаса заслуженной уджалысь, Россияса велöдöмын почётной уджалысь; Р.С.Понарядова - Коми Республикаса заслуженной уджалысь, СГУ-са пединститутлөн вылыс тшупöда математика да ТиМОМ кафедраын доцент; Б.Д.Лившиц - Коми Республикаса заслуженной уджалысь, вылыс тшупöда математика кафедраын велöдысь.

**10 воысь унджык
лицейын зильöны:**

Географо-биологическöй да химико-биологическöй юкөнъяс: Р.И.Голованов - кафедра медшөр велöдысь; Л.И.Акулова - кафедраын веськöддысь; И.Д.Новикова - СГУ-са пединститутын географо-биологическöй факультетын декан; В.И.Силин - кафедра профессор. Суйöрсайса кывъяс велöдан факультет: Н.В.Чупрова - суйöрсайса кывъяс велöдан кафедраын медшөр велöдысь. Финн-йöгра филология юкөн: Т.И.Прокушева - коми да роч кывъяс велöдан методика кафедраын доцент.

Öнiя кадö лицейын уджалöны: А.А.Елфимов - Кörtкерöс районса выпускник, медшөр воспитатель; Л.С.Носов - Чилимдiн районса 1988 вося выпускник, физика велöдысь, СГУ-ын юөр видзан кафедраын веськöддысь.

2013 восянь лицейса велöдчысьяслы, кодъяс локтöны республикаса быд пельöсысь, отсалöны Кörtкерöс, Удора, Кулöмдiн, Изьва, Чилимдiн, Емдiн да Луздор районъясса землячествосая. Землячество да лицей костын кырымалöма öтув уджалöм кузя договор. Лицейистъяс вермöны волены Сыктывкарын велöдчигөн ас районса землячествоясөн котыртöм гажъяс вылö. Землячествоын зильысьяс быд ногыс отсалöны ныв-зонлы.

Водзö вылö

2016 вося сентябрö лицей кутас пасйыны 25 вося тшупöда пас. Лицей котыртöмсянь öнöдз велöдчанiннас веськöдлö Марина Алексеевна ПАЛКИНА - Россияса велöдöмын почётной уджалысь, Коми Республикаса заслуженной уджалысь.

Коми Республикаса сиктса енбиа челядлы лицей-интернатлөн адрес:

167000, Сыктывкар, Коммунистическöй улица, 25 керка, 1 судга.

Веськöддысь: **Марина Алексеевна Палкина.**

Телефон: **8(8212) 24-66-32, 89042283820 (сот.)**

Сайт: **rozli.kgpi.ru**

Коми пединститутбердса лицейлөн финн-йöгра юкöнын велöдчöны Ирина Безносова, Надежда Михайлова да Мария Юшкова. Тайö юкöнас кум морт и велöдчö. Позьö шуны, мый быдөн на пиысь дзик асшөр тöдöмлун босьтö. Май-быр, кылöны да öдйö и сюркнялöны пель саяныс велöдысьлысь материалсö.

ЛОКТОЙ ДА ВЕЛÖДЧÖЙ!

Нывъяс öта-мöднысö тор-калöмөн висьталісны, кутшöм бур тані велöдчыны, мый сетісны налы колана тöдöмлунъяс, торйөннин ЕГЭ кузя бура занимайтчисны, адзисны выль ёртъясöс, да и тшöктісны висьтавны газет лыддысь том войтырлы, медым унджыкөн локтасны татчö велöдчыны.

Ирина БЕЗНОСОВА локтöма Сыктыв районса Поельысь.

- Школаö локтіс кабала, мый позьö пырны велöдчыны Коми пединститутбердса лицейö, - висьталіс ныв. - Окота лои видлыны ассьым вынъясöс. Да и велöдысьöй збоймöдышитіс, мыйысь нö пö полан.

И со Ира кыкнан турсö прöйдитöм бöрын вескалöма велöдчыны лицейö. Нывлы пыр кажитчöмаöсь коми кыв да литература предметъяс. А лицейö локтöм бöрын ёна воöма сьölöм вылас финн кыв да сійöс велöдысь - Римма Павловна Попова. Та вöсна ныв водзö велöдчöмсö кöсйö йитны Сыктывкарса канму университеткöд да финн кыв велöдмкöд.

Надежда МИХАЙЛОВА лицейö велöдчыны локтöма Кöрткерöс районса Одыб сиктысь.

- Лицей йылысь меным висьталіс велöдысьöй, - шуис том морт. - Да и мамöй лэдзис, ветлы пö, гашикö, кажитчас. Велöдчöмыс збыльысь воис сьölöм вылö, öд агдзи выль ёртъясöс, велалышиті студентъяслөн общежитиеын овны, карсö неуна тöдмалі.

Нывлы кажитчöма жö финн кыв велöдны. Но водзö вылö оз кöсйы лоны коми кыв-литература сöвмöдысьөн. Кыдзи ачыс шуö, лицейын велöдчöмыс гөгөрвоöдіс меным, мый ог аслам туйöд вöслав. Ме пö кöсъя лоны бурдöдысьөн. И та вöсна гожöмнас кöсйö видлыны пырны медколледжö.

Мария ЮШКОВА ачыс Кулöмдін районса Кужйысь. Коми кыв да литература велöдысьыс чуйдöма лицейö пырны. 1 тур бöрас нель морт вöлöма. А сэсся öти эновтчöма. Тадзи коми юкөн вылын кольöмаöсь кумиөн.

- Велöдчöмыс ёна кажитчис, - висьталіс Мария. - Весиг гажтöм босьтö, мый ковмас торйöдчыны. Лицейын быд велöдысь ас места-ас. Ёна сёрнитöны миянкöд олöм йывсыс. Тані миян вöлі поэялун бура дасьтысьны ЕГЭ сгайтöм кезлö. Воис сьölöм вылö и финн кыв велöдöм, окота водзö босьт-



ны сы серти тöдöмлун. А нöшта окота уна кыв тöдны. Та вöсна водзö велöдчыны пыра госслужба академияö, Сыктывкарса университетö либö пединститутö. Видзöдлам, гожöмыс петкөдлас.

Лицейын велöдчöм кындзи нывъяс ветлöмаöсь быдсикас студияс. Кодкö сьылöма, кодкö йöктöма, а кодкö и кино снимайтöма. Нывъясöс ёна новлөддöмаöсь и юркарса музей-театръясö. Ыджыд атгыö таысь шуöны муса велöдысьысылы - Лидия Егоровна Сурниналы да Тамара Ивановна Прокрушевэлы.

Надежда ПУНЕГОВА



КГПИ-лөн лицейбердса географо-биологическёй юкёнын тшöтш босьтöны содтöд тöдöмлун сиктса томулов. Мойвиус сёрнитны да лицей йылысь унджык тöдмавны сэтчöс велöдчысьяслысь.

«Сы мында вильтор тöдмалім!»

Артём ПУТИЛОВ локтöма велöдчыны лицейö **Александр ЛУКИН** ёртыскöд Удора районас Важгорт сиктысь. Налөн ыджыд-джык ёртъясыс велöдчылöмаöсь лицейса физико-математическёй юкёнын да вöзйöмаöсь тшöтш и Артёмлы да Сашалы видлыны. Дыр мөвпавтöг и кöсийсыöмабсь, öд ёртъясьяныс найö лицей йылысь сы мында бурсö кывлöмабсь.

Саша медводз пырöма химико-биологическёй юкёно, но сёлöмыс кутöма кысыны география дорö - лöма позянлун вуджны тайö юкёнас.

- *Ньöти ог жалитöй, мыл босьтим содтöд тöдöмлун лицейын,* - юксьöны Артём да Саша. -

Сы мында вильтор тöдмалім, торъя нин географиясь. Тшöтш и сы мында виль ёрт миян лоус! Оз ков повзыны медводзса сьöкылунъясысь, уна том йöз первой сессия бöрас нин босьтöны бөр документъяссö. Тагзи вöчны оз ков: водзö сэсья пыр конкыд-джык лоö да нöшта на гажаджык. Томулов, кöсьяныг кö босьтны рагейтана предметъясысь содтöд тöдöмлун, локтöй велöдчыны тайö лицейс, сы мында буртор да вильтор тöдмаланныг.

А Кулöмдін районас Руч сиктысь **Юлия ПОПОВА** висьталіс, мый збыльысь пö первойсö сьöкыд вöлі, но сылөн велöдысь Мария Чупрова отсалöма сылы. А водзö велöдчöмыс сэсья шыльы-

да и мунöма. Юлялы пыр кажитчылöма биология предмет, сы вöсна и пырöма велöдчыны тайö юкёнас.

- *Лицейса велöдысьяс мед кöть и стрöгöсь, но зэв тёлкабсь да бурöсь,* - висьталö Юля. - *Тайö кык онас аслым унатор босьті, чайта, водзö велöдчöмын меным тайö ёна отсалас.*

Ныв-зон кыпыда пасйисны лицей помалöм гажа концертон. Тöдам, найөн нимкодьясьöны да гөрдитчöны бать-мамыс да чужан школаса велöдысьяс. Сиам томуловлы бура сдایتны ЕГЭ да пырны водзö велöдчыны, збыльмөдны да пöртны олөмö гуся кöсиймнысö.

Галина МАКАРОВА

ЕГЭ кежлö дасьöсь

Кристина ПАВЛОВА да **Евгений ВОРОНОВ** ёртъяс мозыс жö велöдчöны лицейса географо-биологическёй юкёнын.

Кристина локтöма Удора районас Пыисдінысь.

- *Уна бур ёрт велöдчис нин лицейын,* - висьталіс ныв. - *Та вöсна, кор школаö воис корöм, эг кут пыксыны. Да и география да биология предметъясыс ёна кажитчöны. Интереснöйöсь, да и пыр пырöдчывлі на кузя олимпиада-конкурсъясö.*

Нывлы лицейын велöдчөм унатор сетöма: вильнога пö куті видзöдны карса олөм вылас, йöз вылас, виль ёртъясöс аддзи, бур тöдöмлунъяс тані сетісны. Да и велöдысьясöс пö окога атгöавны миянкöд зуньясьöмыс. Торйөн нин ныв казгыштны тшöктіс география велöдысь Роман Иванович Головановс. Школаын экзаменъяс сдایتöм бöрын ныв кöсий видлыны пырны велöдчыны водзö Коми пединститутö тайö юкёнас.

Евгений ВОРОНОВ вужъяснас Кулөмдін районас Дереваннöйысь. Том мортлы лицейö пырöм йылысь чуйдöма велöдысьяс. Зонлы матынджык география пред-

мет. Сы кузя жö школаас велöдчигөн пырöдчöма олимпиадаясö да босьтлöма нин приза местаяс.

- *Экзаменьятö эськö сдایتі, босьтисны велöдчыны,* - шуö том морт. - *Сöмын биологияг меным сьöкыдджык. Ме сійöс ог ёна бура тöд, но тані ёна гөняйтöдлісны, кыпöдісны тöдöмлун. Зэв ёна кажитчис географ Александр Сергеевич Жаковлөн велöдчöмыс.*

Зон оз на тöд, кытчö пырас велöдчыны водзö. Военкоматö вет-

лöма да вöзйöмабсь видлыны пырны Краснодарса военнöй училищө. Но сэні пö колö бура тöдны физика да математика предметъяс.

Велöдчигас томуловлөн прöст кадыс этша вöлöма. Дерт, öти вежонся сессия дырйиыд унатор вöчны он удит. Но век жö, кор сійö чуктылöма, томуловс новлөдлöмабсь юркарса музей-театръясö, быдсикас концерт вылö, весиг зоопаркө мойвиöма ветлыны, öд сиктса войтырыдлөн ташöм позянлуныс абу.

Надежда ПУНЕГОВА



КГПИ-лөн лицейбердса химико-биологическөй юкөнысь уси шуд төдмасьны сиктъясысь воём 11-öd класса велөдчысьяскөд. Тайö медводдза группаас велөдчисны 13 морт, лицейын велөдчөм йылысь сёрнитим Анастасия Шахтаровакөд, Анастасия Чалановакөд да Маргарита Хозяиновакөд.

Лицейö пыр окота локны!

Анастасия ШАХТАРОВА - Мыддін районысь. Лицейын кык вося велөдчан кадсö медся шу-даөн чайтö. А химия да биология юкөн бөрйылöма сы вöсна, мый медводз көсйöма пырны велөдчыны медицина вузъясö. Öнi пö эм на кад стöча мөвпыштны, кытчö сёлöмыс водзö кыскас.

- Лицей *setis en ga зумыд төдöмлун, танi зэв бур велөдысьяс: шаньöсь, зильöсь, водзмöстчысьöсь*, - пасйö Настя. - *Сиктса томуловлы оз ков повны локны татчö велөдчыны. Танi тэ вöляникысь велалан асиöр оломö: босьтам коть студентъяслөн общежитиен олом. Вöзъя сиктсалы быть татчö локны велөдчыны.*

Тайö жö юкөн помалысь **Анастасия ЧАЛАНОВА** - Куломдінса юрсикусь. Лицей йылысь төдмалöма чужан школаас, гижöма пыран тест и веськалöма татчö. Дерт пö, сьöкыдджык танi велөдчыныгö школа дорсьыд, но и төдöмлуныд унджык лоö, да и ЕГЭ-тö лоö кокныдджык нин сдایتнытö. Анастасия тиöтш мөвпалö водзö мун-

ны велөдчыны медицина нырвизьö.

- *Аттöла став велөдысьсö, найö миян сэтшöм бурöсь*, - кывкөрталi Настя.

А **Маргарита ХОЗЯИНОВА** - республикаса войвылысь - Изъваысь. Химия предмет пыр кажитчылöма Риталы, а лицейын велөдчөм йылысь төдмалöм бöрын окотитöма содтöд босьтны төдöмлун. Риталөн чужан школаас химия велөдысь Анна Васильевна Витязева öтсалöма, мыйөн вермöма. Öд сессияс костын гортса удж пыдди сеталöны контрольной уджъяс - содтöд лыддысьтöгыд да отсöгтöгыд найöс сьöкыдджык вöчнытö.

- Лицейö сессияс вылö пыр окота вöли локнысö, а татысянь нин, мөдарö, дыш вöли гортö бөр муннысö, - висьталö Маргарита. - *Танi сы мында выльторсö босьтан: и велөдчöмын, и прöст кад колялöмын.*

Рита водзö көсйö пырны велөдчыны СГУ-са химико-биологическөй факультетö, а со медицинаö пö оз ёна кыскы. А сиктса томуловлы сйö не повзыны да локны велөдчыны радейтана нырвизь серти.

Галина МАКАРОВА

Вера Ичёткина, Григорий Михайлов, Ксения Ульнирова, Настя Кочева велөдчöны физика да математика юкөнын. Вера да Настя - Сыктыве районса Визиньысь, Григорий - Көрткерöс районса Шойнатысь, Ксюша воёма Куломдін районса Ручысь.

Аттö бур велөдöмысь

Коми пединститутбердса енбиа сиктса том йöзлы колледж помалöм бöрын быдöнлөн аслас мөвп, кытчö водзö мунны велөдчыны. Вера да Настя мөвпалöны юридическөй либö экономика нырвизь йылысь, Гриша көсйö лоны программистөн, а Ксюшасы сёлöмас воö менеджмент. Сиа-ам том йöзлы, медым став көсйöмыс артмас.

Апрель 23 лунö колледж помалысьяслөн вöли выпускной рыт. Сцена вылын петкөдчисны выпускникъяс. Найöс чолöмалiсны велөдысьяс, сетiсны диплом да аттöбалана кыв медся водзмöстчысь ныв-зонмыслы. Чолöмалiсны томуловöс и землячествоясөн веськөдлысьяс.

Бөрö коли колледжын велөдчöм. Вера, Гриша, Ксения да Настя аттöбалöны велөдысьясöс зумыд төдöмлун сетöмысь. Торйөн



пасийсны Надежда Григорьевна Елизароваöс да Марина Алексеевна Палкинаöс. Накөд пö пыр гаж, кужöны интереснöя велөдны.

Сиктса челядылы колледжын

велөдчöм колана. Найö зумыдджыка сувтöны кок вылö, дасысьöны экзамен кежлö, велалöны карса олом дорö.

Екатерина МИКУШЕВА





Коми пединститутбердса сиктса енбиа ныв-зонлөн колледжын велөдчöны енбиа томуров. Тайö вежонö сэнi вöли выпускной рыт налы, кодъяс помалисны колледжсö. Мый мөвпалöны сэтчöс томуров, мый висьталöны сэнi велөдчöм йылысь? Гашкö, налөн вöзйöмыс ёна отсалас мукöд велөдчысьлы водзö велөдчöм кузя.

Сöвмөдöны енбиалунсö

Вермас лоны, кодкö важөн нин мөвпалö велөдчыны колледжын да полö петны бать-мамлөн борд улысь. Дерт, сиктсалы та серти сьöкыдджык, но майшасьны нинöмысь. Со тай нывъяс республикаса уна сикас районысь воöмаöсь.

Наталья СЕНЬКИНА помалис 11 класс физико-математическöй юкöнын. Локтöма Кулöмдiн районса Пожöг грездысь, велөдчöма колледжын во. Наташа висьталö, Пожöгса уна велөдысь пö Коми пединститутын велөдчылöмаöсь, тшöтш и батысь. А öни и ичöтджык чойыс пырöма пединститутбердса лицейö, тшöтш физика да математика юкөн бöрийöма.

- Медводз, дерт, сьöкыд вöли велавны виль инын. Но танi зэв гажа: виль ёртъясöс адгзан, бур велөдысьяскöд тöдмасын. Велөдчöм кындзи эм позянлун бöрийыны сьёлöм серти кружок - сьёлöм,

йöктöм, видео гасьтöм. Ме борйи сьёлöм, öд и аслам чужан сиктын тшöкыда выступайтлi, - шуö Наташа.

Колледжын пö и тöдöмлунъяс босьган, и студенталан олöмö велалан. Наташалы кажитчö, мый татчöс велөдысьяс аддзöны, рочөн кö, подход быдөн дорö, зильöны, медым ставөн гөгөрвоисны виль тема.

- Колледжын велөдчи сöмын во да ёна вежси-верстямми. Весиг мамöй тайöс казялöма. Танi сöвман духовнöя, унатор вöчöма ныв-зонлы. Кöсья аттьöавны тшöтш и Пожöгса шöр школаын велөдысьясöс, Надежда Борисовна Сенькинаöс да Нина Ивановна Сумороковаöс: ёна отсалсны меным велөдчöмын, - шуö ныв.

Наталья сiö, мед лицейыс водзö сöвмас, мед и водзö локтасны велөдчыны сиктса енбиа челядь.

Водзö велөдчöм кузя ныв оз на стöча нинöм шу - мөвпалö на кутшöм вильыс тшупöда велөдчанiн бöрийыны.

Лиза НЕСТЕРОВА помалöма 11 класс суйöрсайса кивъяс велөдан юкöнын. Сiйö Кулöмдiн сиктысь. Колледжас велөдчö кöкъямысöд классянь, но медводз пырöма физико-математическöй юкөнö, а сэсся суйöрсайса кивъяс юкөнö вуджöма.

- Физика да математика горысь суйöрсайса кив велөдöм меным ёнджыка кажитчö. Мөвпала пырны Коми пединститутö тайö нырвизь серти. Колледжын велөдчöм йылысь верма шуны, мый танi сьöкыд, но гажа. Суйöрсайса кивъяс велөдiгөн уна гортса удж колö вöчны. Аттö велөдысьясы пыдi тöдöмлунъяс сетöмысь. Быд велөдчысьöс урок дырйи юаласны. Прöст кадö нем вöчтöг довъявны студентъяслы некор - быд здук кутиöмкö удж либö гаж гасьтöма. Сиа лицейлы водзö сöвмыны. Танi ныв-зон водзö сöвмөдöны енбиалунсö, - висьталö Лиза.

Екатерина МИКУШЕВА





**ВЫЛЬ
КЫВБУРЪЯС**

**Асланыс выль кыв-
буръясөн юксьöны
«Йöлöгакöд» тшöтш
и Кörtкерöс районысь
Ыджыдвидзса велöд-
чысьяс.**

Ыджыдвидзса школаын
Дружнöй котыр велöдчö.
Мöдöд класса велöдчысьяс
Радейтöны тöдöмлуньяс.

Лёва КАРАКЧИЕВ,
2 класс.

**Чолöм, «Йöлöга»! Кörtкерöс районысь Шойнаты-
са челядьлы содтöд тöдöмлун сепан шöринысь ныв-
зон ёна радлöны тулыслы. А «Том корреспондент»
котырса литературнöй юкөнö ветлысь войтыр око-
тапырысь юксьöны асланыс кывбуръясөн. Зонпо-
сет лист бокысь, окотитöны нöшта на гижны.**

*Шойнатыса ныв-зонсянь ыджыд чолöмөн,
Ольга Михайловна Печеницына.*

Шоныд кад

Радейта ме тулыс ёна,
Сылөн аслыспөлöс мич.
Сылөн быд здук меным дона
Сöмын тадзи, сöмын сідз.
Тулыс бöрся воас гожöм -
Медся шоныд, гажа кад.
Сыысь тшöтш жö бырис гажным,
Шоныд кадлы быдөн рад!

Максим МАКАРОВ,
4 класс.

Миян сиктын бур школа эм.
Уна челядь велöдчö сэн.
Сійö кыпид и зев мича.
Ме тшöтш сэнi велöдча.

Владислав ШИРЯЕВ,
2 класс.

Медбур кад

Шондi пондiс тшöкыдджыка пöжны,
Чужöмбансö мыччывлö быд лун.
Лэбач поздысяс и кольксö кутас пöжны.
Татшöм каднас бырлö весиг ун.

Вика РОЧЕВА,
4 класс.

Ыджыдвиддзын ола-выла.
Сулалö сэн ыджыд школа.
Велöдчысьяс лунысь-лун
Босьтöны сэн тöдöмлун.

Семён МИШАРИН,
2 класс.

Менам кань

Менам Муся нима кань
медся мелi, медся шань.
Шылыд гöныс, ускыс кузь,
ворсö шöртөн, оз кö узь.
Асывводзнас корö йöв,
сёяс - сэся лöб чöв.
Куткырвидзö паччөр вылын.
Татшöм сылөн олöм-вылöм.

Анастасия ПОПОВА,
8 класс.

Асыв

Радейта ме асыв,
палялысь вөр-васö.
Нюмъялö кор ывла,
сьөлöмöй кор сьылö.

Аксинья МИШАРИНА,
7 класс.

Тулыс

Ывла вылын тувсов шондi шонтö,
чöскыд сынöд чужöмад нин öвтö.
Шоныдiнсянь утка, дзодзöг локтö.
Пуяс асьсö выль коръясөн вевттьö.
Сэтшöм гажа тайö тулыс.
Быдсөн öдийö кольö луныс.
Челядь дырйи бур жö, майбыр,
коллявнытö гажа кадсö!

Кристина ПАНИЮКОВА,
8 класс.

Тулыс

Регыд-регыд воас тулыс,
Регыд-регыд воссяс ю.
Шондi лымсö ставнас нюлас,
Коръяс мичмöдасны пу.

Ывла вылын лöб гажа,
Лэбачьясөн тырас сад.
Виччысям ми тэнö важөн,
Гажа тулыс, мича кад!

Инна ГИЧЕВА,
4 класс.



Со татшом менама ыджыд мам!



Менсым ыджыд мамос шуоны Мария Александровна Макароваон. Унджык олан кадсо сийосиис челядьос велодомлы. Сийос позы шуны бур наставничаон: сям велодысь, тождысь мам, буро да шаньо туйдысь ыджыд мам. Ме тода, мый ичотдырся воясыс ыджыд мамуклон усьомаось курыд война кадө. Мен лои окота варовитыштны ськод тайокад йывсыс. И со кутшом сёрни артмис:

«1941-öd вося тулысын вуджи нин коймод классө. Июнь 22-öd луно вöли гажа гожа асыв. Шойччан лун, ставон гортынось. И друг висьталисны сёлөм дойдана юор: миян Советской Союз вöло по нем виччыстог ыджыд вынон уськодчис Германия. Немечьяс вуджисны нин граница. Война по лоо ыджыд да сьокыд. Кык вок да батьо мунисны собранно вöло. Сэни сёрнитисны, мый пуктасны став вын да кужанлун и быгь вермасны! Дзоньвидза мужичойясос корисны быд здук лоны дасьон мунны Красной Армияө. Нывбабаяслы - ас выланьс босьтны и мужичой удж. Тянлы по кутасны отсасыны став челядь и порысь. Некодлы дышодчыны война кадө оз позы. Тадзи заводит-

чис Великой Отечественной война. Олом дзик пыр вежсис, зумыштчисны поч-польяс (найо войналысь корсо тоддисны нин). Нывбабаяслон юр выв тыр удж. Весиг ми, челядь, бригадирлысь удж корам (уджавтог яндзим). «Всё для фронта, всё для Победы!» лои кывйозон. А немец наступайто, босьто кар борся кар. Сэтысь йозсо эвакуируйтоны да поездон вайоны Айкиноо. Миян сикто вайисны горд офицерьялысь семьяс. Найо карса олысьяс, сиктын овны оз кужны. Ми, посни класса велодчысьяс, отсалам пачын пусьыны. Карнысо мездом борын миян дорысь рочьяс бор мунисны.

Да, война вöли сьокыд да зэв кузь. Эна и тшыг пуким. Гожомнас уна полос турун сейим, а товнас лои кач вöло вуджны. А кыдзи ми нимкодясим, кор миян наступайтисны! А кутшөма ставон виччысим Победа!

И вот 1945-öd вося май 9-öd лун. Водз асыв радио пыр висьталоны: «Пообе-е-еда!!!» Радыла инад он ошйы, мый и вочны?! Петі ывлаө, видзода да, став йозыс нин туй вылын ёртаёртнысо кутлоны. Муним правленьоблань, а сэни нин горд флагьяс, плакатьяс. Председатель чолөмалис да висьталис, талун по быдöнлөн шойччан лун. Ыстис гортө тасьт-паньла - талун по ставныто гоститодам чоскыд яшыдон да небыд шабди няньон. Борыннас гажодчим код кыз кужис. Нэм оз вун: став сиктон сылам да йоктам.

Война вылысь кутисны локтавын эз дзик пыр да откөн-откөн. Ыджыджык вокой локтис 1946 вося майын. Томджык вокой 1947 вося майын жö. Батьос нулисны Войвыв саридз дорö бакеньяс озтавын, но регыд бор лэдзисны (кынмыштома да висьмис, Победаөдыс эз и ов).

Ме сизим класс помалом борын оти тов вöрон нокси, вöла доддьон кер кыскал, нажовити аслым ком-

паськом. Арнас пыри велодчыны Емдинса педучилищеө. Сийос помалом борын мододисны уджавны воспитательницаон Нөбдинса челядьлон керкаө. Челядькод уджавны мен зэв эна кажитчис. Уджали дас во. 1961-öd воын детдомсо быродисны, челядьсо нуисны Сыктывкарө, а менö вуджодисны Нөбдинса семилетной школаө начальной класса велодчысьон. Уджали сэни пенсияодз. Семья оломын ме шуда. Веросой вöли зиль да шань. 1961-öd воын чужис Олександр пи, 1962-öd воын - Валентина ныв. Ен ськод, дзоньвидзаось, кыкнанныс на уджалоны. Аслам уджалан стажой 36 во».

Ыджыд мам эна гордитчө, мый сылон велодчысьяс пиысь некод лөк туй вöло эз пет, и некод сы вöло эз элясьлы. Сиктын сийос пыдди пуктоны. Аттьо таысь Нөбдинса йозлы.

А со мый казтылө менама мамой: «Менсым отчыд юалисны, код менама медводдза велодчысьой. Дыр думайттог шуи: «Менама мамукой». И эг сы вöсна, мый уджалис школаын, а мый Мам медводдзайон вочавидзис менама быд юалом вöло. Лунысь-лун, воысь-во аслас мел гөлөсөн, олан сямон, сюслунон сетис меным сы мында урок (пример), мый янодны мамукос некыдзи оз позы. Ме ачым нин мам, пенсионерка, но пыр на мамуксян виччыся совет».

Менö ыджыд мамой быдтис, велодис дзолядырсян. Пыр вöли орччон. Отсасис быд здукө. Старайтчис вочны менö зиль, тождысьыс да бур мортон. Пыр кыла сысян отсөг. Сийо меным быгтьо мод мам. Татшом ыджыд мамыс сэсся некытысь оз сюр!

*Полина ПОПОВА,
10 класс,
«Том корреспондент»
котырö пырöдчысь,
Корткерос районса
Шойнаты сикт.*





Тулыс воэмлы радлөны и Көрткерөс районлөн Висер шөр школаса коймөд классын велөдчысьяс. Со кутшөм серпасъяс да гижөдъяс дасьтөмаось.



Миянлы
ГИЖӨНЫ



Ывлаын гажа

Матыстчис гажа тулыс. Төдчымөнгя нин нюжалісны лунгъяс. Кымөртөм енэжын мыччасьө югыд шоңді. Сійө лымсө сөйө аслас югөръяснас. Пөльтө небыдик төв. Шоныд муясысь вооны лэбачьяс. Найө гажаа дзользьөны. Пуяс шыбитісны ас вывсысь еджыд эшкын. Лым улысь мыччысысны медводдза дзоридзьяс. Тувсов лунө сынөдыс сөстөм. Ывлаын гажа, сы вөсна челядылы пыр окота ворсны да котравны сәні.

Роман ГАБОВ

Дыр виччысяна тулыс

Воис гажа тулыс. Гажаа жургөны шоръяс. Мартын заводитө сывны лым: горт дорын, гөраясын. Апрельын заводитөны воссыны шоръяс, канава-яс, юяс.

Кор став лымйыс сылас, тыдовтчасны дзоридзьяс. Вочасөн палялөны вөрса пемөсьяс. Мукөд вөрса пемөс вежөны паськөмсө. Тулысын заводитчө йи кылаалөм. Ме радейта тулыссө сы вөсна, мый воссьөны юяс, шоръяс, пуяс вылын мыччысьөны коръяс.

Станислав ГАБОВ



Гажа тулыс

Март - тулыслөн медводдза төлысь. Ньбжйөник заводитө сывны лым. Көть и төв оз на көсий мунны, век жө сылөн ичөт нин вын. Пыр ёнджыка ассьыс югөръяссө койө шоңді. Керка вевтъяс вывсынь виялө войтва. Визувтөны шоръяс. Вооны лунвывсынь лэбачьяс. Медводз матыстчөны сьод ракаяс, вайөны аскөдныс гажа тулыслысь шоныд лунгъяс. Вочасөн вооны ас чужан муө и мукөд лэбач. Сылас лым, мыччысяс веж турун. А сәсся тулысөс вежас гажа гожөм.

Милица ТРОЙМАН

Тувсов серпас

Со и войвылө воис тулыс. Енэжыс сөстөммис. Ывлаыс югдіс. Пөльтө мелі лун төв.

Лымйыс сьөдөдіс, ляпкаліс, топаліс. Садьмыс-ны пуяс, пыркнитісны төвся унсө.

Маша ПОПОВА



Лэбачьяс сьылёны-гажөдөны

Со бара миян войвылө воис тулыс. Лунъяс төдчымөн нин лоины кузьджыкось. Шондї шонтө пыр ёнджыка и ёнджыка. Заводитө сывны лым. Юяс лөзөдөны. Гөгөр жургө шор. Ловзьёны пуяс вылын корьяс. Лунвылысь миянө вооны дзодзөгъяс да пыстаяс. Воасны и ябыръяс. Налы ми дасьтам кыпид оланін - скворечникъяс. Регид заводитас дзоридзавны льом пу. Муяс вылын воссяс уна пөлөс удж. Меным зэв ёна кажитчө тулыс. Лэбачьяс сьылёны-гажөдөны. Мыччысьө веж турун. Шондї меліа шонтө.

Татьяна ГАБОВА



Ловзьөдө вөр-ваөс и лэбачөс

Югыд шондї, бузгысь шоръяс, шонид төвру, дзоридзалөм - тайө ставыс гажа тулысын.

Школаө мунігөн - югыд, школаысь локтігөн - пыр на югыд. Көть гортад эн пыравлы. Сідзи и корө чөскыд дука ывлаыс котралыштны да ворсыштны. Пуясыс ловзьёмаөсь, пычкысьёны-петёны корьяс. Медводз миянөс гажөдө берба. Ми мамкөд ветывлам сылөн мича розьясла. Ме радейта тулыс. Сійө гажөдө, ловзьөдө вөр-ваөс и лэбачьясөс!

Татьяна ГАБОВА



Лунъяс кутісны нюжавны

Воис гажа тулыс. Пөлътө небыдик төв. Лунъяс кутісны нюжавны. Ёнджыка нин кымөртөм енэжын мыччасьө югыд мелі шондї. Пуяс вежөдөны. Ывла вылас петан да, өвтө сөстөм тувсов сынөдөн. Тулысыд, ме чайта, быдөнлы кажитчө. Кор кылө ывлаын шорлөн визувтөм да лэбачьяслөн гораа дзользьөм, став ловъя лолыс садьмө тувсов шоныдысь.

Игорь ЛАРУКОВ

Ставыс ловзьө, вежөдө, дзордзалө

Вот и воис тулыс. Регид ёнджыка нин кутас шонтыны шондї, лым заводитас сывны. И лым сылігмоз воссясны шоръяс, а шоръяс бөрын и ю. Локтасны лунвылысь дзодзөг-юсыяс. Кутас кылавны ю кузя йи. Пуясын мыччысыясны корьяс. Дзоридзавны кутас льом. Ок, и гажа тулысын ывла вылын! Челядь катайтчөны велосипедөн. Котралёны, ворсёны. Меным кажитчө тулыс, өд сэки ставыс ловзьө, вежөдө, дзордзалө.

Даниил МАКАРОВ



Визувтёны шоръяс

Воис гажа тулыс. Шондї заводитіс нин сывдыны лым. Крышаяс вывсянь войталө войтва. Лунъяс лоисны кузьджыкось. Пуяс шыбитісны ас вывсьыс еджыд паськөмсө. Визувтёны шоръяс, өшинь улын дзользьёны лэбачьяс. Шоръясас ми лэдзалам корабликъяс. Ывла вылын лои зэв гажа. Челядь катайтчөны велосипедьясөн, а югыд шондї пукталө налөн чужөмъяс вылө зарни бериньяс.

Евгений ГАБОВ

Ме водзын Коми Республикаса Память небöглөн мөд том. Сэтчö пасьялöма и Сыктывдін районса Паль сиктысь воингясöс, кодгяс эз воны бөр гортаныс. Öтияс пöгибнитисны чорыд тыш мунанінгясын, кувсисны ранаясысь госпитальясын. А мөдгяс вошисны некутшöм юöртöг. Татшöмгясыс сіджö зэв унаöнöсь. Менö öнöдз шензбöдö тайö кывтэчасыс. Кыдзи нö мортгыс вермис вошны ыджыд война вылын некутшöм юöртöг. Но овлö тай татшöмыс. Сэтшöм тэрыба фашистгяс 1941 вося гожöмын асланыс лыдтöм-тшöттöм танкгясöн, самолётгясöн, орудиегясöн уськөдчисны сьöд кырнышгяс моз миян му вылö, сэтшöм öдйö кутисны зырны миянлысь армиягяснөмöс, мый найö медводдза тöлысьнөс öдвa удитисны водзасьны. Кытысь нин дзeбны тыш муанінгясысь усьöм воингясöс, отсавны кыскыны ас бөрсягяс ранитчöмаясöс. Медтыкö пленö эз удитны босьтны. Со сэки и колисны куйлыны вoсьса енэж улын салдат шойгяс да кутисны воавны похоронкагяссь öтдор мөд сикас письмөяс, мый кодлөнкö батгыс, вокыс либö пиыс вошис некутшöм юöртöг. Мортгыс кö пöгибнитис да сийöс удитисны дзeбны, гөгөрвоана ставгыс. Сийöс сэсся оз нин кутны виччысьны. А вошис кö некутшöм юöртöг? Гашкö, пленö веськаліс? Гашкö, ачыс повзис да нарошнö сетчис враглөн киö? Вöвліны и татшöмгясыс. Со и юöртöг вошöмаяс йылысь сэсся пансьылісны быдсикас мисьтöм да лөж сёрнияс. А налысь матыссасö сэсся зильлісны быд ногыс омöльтны.

Но коді нö вермас висьтавны, кымын миллион морт быдса страна пасьта вошис некутшöм юöртöг ыджыд война чöжөн. Ставныс öмöй найö сетчисны враглы? Тайö мөвгьяссьыс доймывлö сьöлөмöй. Эз, эз нин омöльбсь да полысьбсь вöвны нянь вöдитысьяс, вөр лэдзисьяс, вöралысьяс, фабрика-заводын уджалысьяс, мед вузавны чужан муöс. Кызвыныс на пиысь вир кысътана сьöккыд тышгясын сетисны ассьыныс ловнысö, мед эз ыджыдав мустöм враг налөн гортын, мед водзö шудаа олісны налөн гөтырьясыс, ныв-пияныс, внук-внучкагясыс. И на йылысь окота бур кывйөн казгыштны.

Иван БЕЛЫХ

Некод эз көсьыив вошны юöртöг

Со менам чужан Паль сиктын быдылöм öткымын войтыр пиысь нимгясыс, кодгясöс пасйöма тайö небöгас. Александр Гаврилович Белых вошис некутшöм юöртöг 1944 воын Литваын. Алексей Егорович Белых вошис сіджö 1945 вося апрельын. Андрей Григорьевич Белых вошис некутшöм юöртöг 1942 воын. Прокопий Ильич Есов - 1942 воын. Михаил Терентьевич Осипов вошис некутшöм юöртöг 1942 воын. Иван Иванович Осипов - 1941 воын. Василий Дмитриевич Осипов - 1941-ын жö. Иван Афанасьевич Размыслов вошис некутшöм юöртöг 1941 воын. Николай Петрович Размыслов - 1942 воын.

И татшöм юöртöг вошöм воингяслысь ним-овгяссö позьö лыддьöддыны водзö. На лыдын и менам дядь, батлөн ичöтджык вокыс, коді чужлöма 1914 воын. Таво сылөн чужöмсянь тырö 100 во. Босьтöмаöсь фронт вылö 1941 вося июнь 27 лунö. Вошöма некутшöм юöртöг 1941 вося ноябрын Эстонияын.

Öльöксей дядьлөн Марья тьöt гөтырыс пыр кувтöдзгяс синва сорөн казгытваліс аслас верöс йывсьыс. Ачыс Марья тьöt рöднас Час сиктысь. Öльöксей дядь гөтрасьлöма сы вылö да ва-

йöдöма Пальдорса Ивадор грездö. Тани и чужöма налөн кык ныв - Рая да Ида. Гозья ёна радейтлöмаöсь öта-мөднысö. И, дерт жö, семьяын челядьыс ёна на эськö содіс, эз кö торк ставсö война. Öлексей дядь сьöлөмнас водзвыннин кылöма, мый сийö оз ло гортас бөр воысьöн. Марья тьöt Сыктывкарöдз кайлöма верöссö колльöдны. Бөр лэччöмаöсь пароходөн. Öльöксей дядьбөс сийö пароходыс нуöма Котласöдз. Марья тьötлы ковмöма чеччыны Сотчöмывыв грездса пристаньö. Гозьябөс öдвa вермөмаöсь торйöдны öта-мөдсьыс. Öльöксей дядьсянь гортас волöма некымын письмö. Бөрьягяс пасйöма, мый гижa пö тайö письмөсö мыр вылын. Нылыс пö визувтö ю. Таладор берегыс пö миян. А мөдарас пö немечьяс. Ю кузьяс пö тырыс шой кывтö. И ваыс пö вир вöснаыс гөрд рöма быдсөн.

Та бöрын сэсся регыд мысти и воöма Марья тьötлы письмö, мый тиян верöсныд пö вошис некутшöм юöртöг. Буретш сэни немечьяс зырöдісны миянлысь войскабөс Ленинград бердöдз. Мунісны вир кысътана чорыд косьяс. И морт олöмыд сэки нинöм дон эз сулав. Кыдзи нö верман лыддьыны-артавны быд салдатöс



тайö биа адас. И кодi тöдас, кöни öни куйлö Ольöксей дядльöн важöн нин сiсьмöм шойыс.

А менам син водзын öни на Ольöксей дядльöн да Марья тьöтлöн ыдждöдöм снимокыс. Неважöн на öтлаасьöмаöсь. Дольд чужöмаöсь, шуда синмаöсь. Эскöны, мый ставыс лоö водзö бур налöн олöмас. Но эз тай ло на ногöн.

И öни ме быд Ыджыд Вермöмлöн лун водзвылын казътыла ог сöмын ассьым батъöс да Иван чождöс, кодъяс ловйöн воисны фронт вылысь, ог сöмын пöгибнитöм Борис чождöс, кодöс дзебöма Смоленск областьса öти братскöй гуö, но и, дерт жö, Ольöксей дядльöс, кодi некутшöм юöртöг вошис 1941 вося ноябрын Ленинград дорйигöн чорыд тышгьясын, а сыкöд тшöтш и мукöд татшöм войтырöс, кодъяс йылысь öнöдз абусь некутшöм юöръяс. Мед жö эськö и найöс эз вöв некор вунодöма.

Менсьым лолöс лэптö сийö, мый воись-во паськалö том корсьысысьяслöн водзмöстчöмыс. Быд гожöм Россияса уна пельöсысь, тшöтш и Комиысь, том йöз корсьысьöны Новгород, Псков, Ленинград областьгьясын, кöни мунисны ас кадö вöвлытöм чорыд тышгьяс. Да сэки вошис некутшöм юöртöг уна сюрс воин. Аддзöны нимтöм геройяслысь колясьяссö да отсалöны дзебны найöс братскöй гуясö. Комиын «Наследие» том корсьысысьяслöн отрядöн уна во нин юрнуöдö пöсь сьölöма морт Сергей Викторович Таскаев. Сыкöд сёрниясысь гөгөрвои, кутшöм абу кокни тайö кывкутана уджыс. Öд öнöдз мян садатгьяслöн шойяскöд куйлöны и быдса снаряждьяс, минаяс, гранатаяс, кодъяс тököтьöөн вермасны взорвитчыны. Но тайö оз сувтöд том корсьысысьясöс. Öд сийö коркöя вир кисьтана войнаыс помаяс сöмын сэк, кор лоö дзебöма сэнi усьöм медбөръя салдатöс. Со тайö лунсö и кöсийöны матыстны «Наследие» отрядсаяс. А ме кута гуся лача и сы вылö, мый со тадзи жö коркö аддзасны да гуаласны и Ольöксей дядльысь шойсö. Збыльысь öд оз вермы вошны мортыс некутшöм юöртöг. Бур мортöн Ольöксей дядь вöлöма, да пыр бур казътылöмгьяс сы йылысь колисны сийöс тöдысьяслöн сьölöмгьясын.

КОНКУРС

«Со кыдз сийöс тöда ме...»

Кодi мян республикаын оз тöд медводдза коми гижысь Иван Алексеевич Куратовöс? Роч томуловыд, гашкö, оз и кужны висътавны сы йылысь, а коми том йöзыд быть нин индасны сы йылысь кöть кутшöмкö юөр, а гашкö, тöд вылас на уськөдласны сылысь кывбуръяссö?

Том йöз, а тi тöданныд, мый таво Иван Алексеевич Куратовлöн чужöмсянныс тырö 175 арöс?! Сидзкö, тайö воис тшупöда паса ставнас коми литературалы! Сидзкö, буретш мянлы - коми войтырлы - быть колö казътывны да нимöдны коми литература подув пуктысьöс, ыджыд да тöдчана гижысьöс!

Со и ми, «Йöлöга» газет дасьтысьяс, шуим нимöдны сийöс асланым лист бокъясын. Кыдзи, юаланныд? А буретш тiян - коми томуловлöн - отсöгөн.

Тавося март 11-öd лунсянь май 20-öd лунöдз ми юортам медводдза коми гижысь Иван Алексеевич Куратовлöн чужöмсянныс 175 арöс тыригкежлö сочинениеяслысь конкурс йылысь. Нимсö конкурсыслысь босьтiм сьлөн кывбурысь - «Со кыдз сийöс тöда ме...» Иван Алексеевичлöн олан туй да кывбуръяс йылысь поэтьö висътавны-мöвпавны помтöг.

Уджгьясыд вермасны лоны и сочинениеöн, и висьтөн, и письмö нога гижöмаөн, эссеöн да весиг кывбурөн. Мича коми кывйöн висьталöм-гижöм, пыдi мöвпгьяса уджгьяс кутасны донгьявны «Коми йöздöдчан керкаын» зильысь журналистгьяс да гижысьяс: Надежда Николаевна Быковская, Павел Иванович Симпелев, Алексей Владимирович Полугрудов да Галина Валерьяновна Макарова.

Уджлöн ыждаыс мед эз вöв унджык 12 лист бокысь.

Сочинениеяс кутам донгьявны арлыда нимпасгьяс серти:

1. 5-7 классгьясын велöдчысьяс (1-3 местаяс);
2. 8-11 классгьясын велöдчысьяс (1-3 местаяс);
3. вузгьясын велöдчысьяс (1-3 местаяс).

Уджгьяс виччысям татшöм адрес серти: **Сыктивкар, Карл Маркс нима улича, 229 керка, 401 кабинет, «Йöлöга» газет редакция,** а сидзжö электроннöй пошта вылö: **yologa@mail.ru**

Став юалöмгьясöн поэтьö шыödчыны **8 (212) 24-12-22 да 24-36-49** телефонгьяс пыр.

Конкурсö став пырöдчысьлы вичмасны аттьöалана гижödгьяс, а вермысьяслы - дипломгьяс да козингьяс.

Виччысям! Кадыс абу уна! Водзмöстчöй, том йöз, нимöдöй коми литературанымöс!

Апрель 25 лунö Сыктывкарса 18 номера библиотека-филиалын котырт-лисны «Библионочь-2014» акция. Лыддысьысьяс татчöс уджалысьяскöд тöдмасисны кодзувъяслөн миркöд.

Кодзувъяслөн олөм

Акция дырйи медводз сёрнитис Сыктывкарса астрономъяслөн клубö ветлысь Максим. Сылөн «Кодзула енэж» презентация кажитчис ставлы. Челядь да верстыö йöз унатор тöдмалисны телескопъяс йылысь, кыдзи наөн вöдитчыны гортас, а тшöтш и кывзисны кодзувъяс йылысь лекция. Максимлөн петкöдчöм бöрын бать-мам висьталисны, мый окотапырысь эськö гортаныс ньöбисны телескоп, медым быдтасъясныскöд видзöдны кодзула енэж.

Та бöрын окотитысьяс вермисны пырöдчыны викторинаö да вочавидзны Енкöла (Вселенной) йы-



лысь юалöмъяс вылö. Быд стöч вочакывйысь том-уловлы вичмис юмов козин. Лыддысьян залын позис тöдмасыны выставкаөн, кодöс вöли сиöма Ю.Гагаринлөн чужöмсянныс 80 во тырöмлы да тшöтш и авиация да космонавтика лунлы. Тані жö позис тöдмасыны енэж да кодзувъяс темалы сиöм выль небöгъясөн. Челядь вермисны лоны и лекторён, öд налөн вöли позянлун водзвыв дасьтысьны.

Тайö луныс ньöти эз вöv гажтöмөн. Юргисны тöдса сыланкывъяс. А ныв-зонлы нöшта на позис микроскоп пыр видзöдны ассыныс кучиксö, серпасавны космос, библиотекафын юны тшай, а мед-бöрын ставныс гижисны гуся кöсиймнысö да лэдзисны пöльтöм шаръяс енэжö.

Марина ТРЕТЬЯКОВА,
Сыктывкарса 18-öг номера
библиотека-филиалөн веськöдлысь.

Гöгрöс ПЫЗАН

Апрельын Кулөмдін районса йöзöс уджөн могмөдан шöринын ад-дысьлисны сыён веськöдлысь М.Х.Савицкий, уджөн могмөдан юкö-нысь инспектор Г.Н.Турьева, ЛТО-ясөн да трудбригадаясөн весь-кöдлысьяс, прокурорлөн отсасысь М.В.Набокова да опека да попечительство юкöнын зільысь И.А.Сурнина. Найö сёрнитисны татчöс томуловöс гожöмнас уджөн могмөдöм йылысь. Кыдзи и быд во, чужö уна сикас мытшöд да юалөм, и найöс колö бырöдны öні, томуловлөн уджавны заводиттöдз.

Дасьтысьöны гожöм кежлö

Таво Кулөмдін райо-нын гожся уджалан ла-геръясын да бригадаяс-ын кутасны уджавны июнь медводдза лунсянн. Медыджыд могыс налөн - медым том йöз вермисны бöрйыны ас-лыныс профессия, а та-кöд тшöтш кулөмдінса кутасны водзмöстчыны, медым лоны вермысьөн. Уджөн могмөдасын и сідз шусяна сьökыд да идöртöм семьяясын олысь томуловöс.

Ёна сёрнитисны и



ныв-зонлөн дзоньвидзала-лун йылысь, уджалан до-говоръяс да трудкнижка лöсьöдöм да колана

ногөн сэтчö пасйöм йы-лысь. Сэсся öд и челя-дъыд уджалöны оз öтко-дя - кодкö сьöлөмсянь-

ыс зільö, а кодкö сöмын воливлö уджалан места-ас. И тайö мытшöдсö кыдзкö колö бырöдны. Уна юалөм чужö и вер-мытöм челядьöс уджөн могмөдöм, уджон мын-тöм да вöчöмторсö донъя-лөм йылысь.

Кутам лача, мый весь-кöдлысьяс воасны öти кывйö да колана ногөн котыртасын томуловлы гожся уджсö.

Кулөмдін районса йöзöс уджөн могмөдан шöринлөн юөр серти.



**Муөгз
КОПЫР**

Менам ыджыд мам - Мария Ивановна да ыджыд бать - Иван Прокопьевич Микушевъяслон семья чужома Айму вöсна Ыджыд тыш кусан воö, буретш 69 во сайын. Ыджыд бать пунктис ыджыд пай вөрöгысь Айму дорйигöн, та йылысь висьталöны орденъяс да медальяс. Казьтыла чöскыд сёян-юана, пирөг-шаньгаа пызан сайын пукалöмъяс да пöрысь йöзлысь висьталöм-казьтылöмсö кызвöм. Öтлаын найö олісны-вылісны 66 во!

Ыджыд аттьö налы!

Менам дона да муса йöз кувсисны нин: тавося август төлысьын лоö куим во, кыдзи ёна висьмөн быри ыджыд бать, а ыджыд мамукöй доймöм бöрын кулі кык во сайын. Ыджыд мам боксянь лöсьöдi орду, туялі сизим көленаöдз. Ыджыд уджыс öнi эм школаса музейын. Ыджыд батылөн олантуй йылысь висьтасьöмыс ёна и шензьöдліс-чуймöдліс менö: «Чужи-быдми Висер сельсöветувса Лунь грездын, нель во котралi велöдчыны Сюзяыб орчча грездö. Тöдöмлун шедіс кокныыда, но велöдчöм мортөн лоны эз удайтчы. Омöлик көм-паськөм вöсна ковмис эновтны школа да пырны уджавны колхозö. Дас арössянь верстьö йöзкөд радысь песси-мырси, быд удж вöчны велалi. А уджыд сэки тырмывліс: ёг весавлі, мудйысьлі, кер дорын уджавлі, плугаритлі, кузнечаян дорччылі. Чож кыйсыны-вöравны велöдiс, а ыджыд мам вотчыны новлöдліс. Гажа жö нин пöра гожöмыд! Лунтыр вöлі ызöдчам-купайтчам, сьöлөм бурмытöдз вуграсям, нывъяскöд чышгьянөн ёс тывъялам. А рытнад мамыд черитö жаритас, либö ёска шаньга пöжалас - сыысь чöскыдыс нинöм абу. Омöлик көмпась эз сувтöдлі даддьөн да лыжиөн ислалöмысь. А нöшта ворслім тадзи: йиö вöчам розь, сатшкам майöг, пысалам потш, öтар помас көрталам дадь, а мöдар помöдыс бергöдлам. Карусель да и сöмын! А дас арöсын вöчлі пубысь велосипед, во чöж сы вылын журьялі.

Öдйö лэбыштисны вояс, со нин и нывъяскöд колльöдчан кад воис. Но ставсö торкис Ыджыд войналөн пансьöм. Тыри меным буретш 19 арöс. 1941-43 воöдз тышкаси вөрöгкөд. А 1942 воын чорыд тыш дырйи - Великие Лукинын - сьöкыда дойми. Абу кокныыд казьтылантор - ёртгьясöс



воштöм, сьöлөмтö косялысь дой, бур да шань сьöлөма бурдöдчысыя... Коли ловйөн, сöмын тай кабырöй эз ло важ кодь ён. А олöмыд мунö водзö. Чер-пилаөн öдйö и велалi уджавны ки пöлөн. Войнабöрся сьöкыд воясö «Дружба» колхозын шулісны менö «зарника» столярөн. Öшинь рама көть курич, улöс көть пызан, додь көть машина кузов - ставыс артмö вöлі ки помысь. Став тöжд-могсьыс шойччывлі вöрын. Матö 70 во вöралi, кужöмөн кыйлі уна сё звер-пöтка. Нимкодь, мый вөр-ва радейтны велöдi пиянöс да внукьясöс».

Ыджыд мамукöй, Мария Ивановна, тылса ветеран вöлі, уна вын-эбöс пунктис Победа матыстөмö. Кутшöм удж сöмын эз вöчлы: шеп öктыліс, шабдi нетш-

кыліс, агсасьліс, куйöд кыскавліс, шöрт печкыліс, салдатгьяслы носки-кепысь кыліс...

Быдтисны ыджыд мам да ыджыд бать вит челядьöс, дас внук-внучка эм да дас кык правнук-правнучка.

Öдйö лэбö кадыс. Воясь воö сиктгьясысь бырöны войнаса ветерангьяс, тылын уджалысыяслөн лыдыс. Ыджыд аттьö налы, мый ми олам шуда олөмөн. И сиа ме налы дзоньвидзалун да тыр-бур олөм!

**Оксана ПИНЯГИНА,
Кöрткерöс районса
Висер сикт.**



ТӨД ВЫЛӨ

Куритчөм ёна паськалөма бөръя кадө. Сыысь мортлы көвьясьё уна пөлөс висьөм: шөркодя быд квайтөд морт кулө куритчөмысь. Оз коль ни өти лун, оз кө кывлөй либө аддзөй, кымын лёкторсө вайө сийө. Но том йөзөс тайө оз повзьөд, весиг ичөт класса куритчөны.

Олөмыд өд өти

Мыйла том йөз ку- ритчөны? Окота төдма- вны мыйкө выльтор, лоны ашшөраөн, верстьө- джыкөн? Сөмын тайө көсийөмыс бурөдз оз вайөд.

Бурдөдчанінъяслөн сайтъясын позьө аддзы-

ны куритчөм йылысь став повзьөдлана гижөд- сө. Куритчысь мортлөн лёкмө паметьыс, кулөны нервнөй клеткаясыс. Торйөн нин сьөкыд ви- дзөдны куритчысь мамъ- яс вылө. Кор босьтан киад папирос, лёксө вө-

чан он сөмын аслыд, но налы, кодыс лолалөны тшыннас.

Көсья вайөдны өти пример аслам олөмысь. Менам батьө куритчис 18 арөссиянь. Кор ме чужи, сийө пыр на не- кыдз эз вермы шыбит- ны куритчынысө. Дыр кад чөж ме вөлі сідз шу- сяна «пассивнөй» ку- ритчысьөн. Кор бать ку- ритчис гортын, менам за- водитіс висьны юр, тшөкыда висьөдчылі. Коркө Виль во водзын батьө юалис, кутшөм ко- зин ме көсья. Дыр мөв- павтөг шуи, мед шыби- тас куритчыны. И 2012

вося декабрь 31 лунө сийө дугдіс пушкыны. Вот тайө вөчөмторсыс сийөс пыдди пукта. Öни миян семьяын некод оз куритчы.

Окота аддзыны сэ- тшөм кывъяс, медым ставнысө эскөдны - ку- ритчыны оз позь. Öт- тшөтшгьяяслы шуа, мед некор оз пырны кури- чан кабырө. Олөмыд өд өти, и тэ сайын, кутшөм рөма лоө сийө: мича öш- камөшка кодь либө ку- ритчан тшын рөма.

Аня МАТВЕЕВА,
«СМЭЖ» пресс-
шөринса
корреспондент.



«Голоса надежды» агитбригадаын зільысь томулов висьталісны челядльөн республикаса бурдөдчанінын куйлысь ныв-зонлы, кытчө позьө шыөдчыны, кор сьөлөм вылад шог да кылан асьтө ковтөмөн. Ассьыныс уджсө сиисны «Дөве- рие телефонлөн» войтыркостса лунлы, кодөс пасйөны май 17 лунө.

Отсаласны аддзыны петан туй

Том артистъяс пет- көдлісны сценкаяс: бать- мамлөн юр выв тыр удж, оз казьяны кагалыс майшасьөмсө, ёртъяс оз жө гөгөрвоны, и, чайт- сьө, абу некутшөм петан туй. Но тайө мытшөдсө позьө разны, таын от- саласны психологияс. На дорө позьө шыөдчы- ны став Россияса öтув номер пыр: **8-800-2000-122.**

«Дөверие телефон» республикаса служба- бысь психолог висьталіс челядлы, кыдзи котыр- тчис налөн службаыс, кутшөм помка лои талы подулөн. Отсөгла позьө шыөдчыны и челядлы, и верстьөлы быд здукө. Звөнокысь сьөм оз

босьтны. Звөнитчысь вермас дугөдны сёрнисө ас көсийөм серти. Пси- холог вермө жө дугөдны сёрнисө, проводлөн мөд помын кө ышнясьөны либө пеж кывйөн шыб- ласьөны.

Медым «Дөверие те- лефонлөн» номерыс пыр вөлі син водзын, агитбригадаса челядъ разөдісны колана юөрөн магнит да ручка.

Челядльөн республи- каса бурдөдчанінысь медшөр воспитатель На- дежда Беляева серти, татшөм уджыс пө кола- на, өд унаөн медводдза- ысь кывлісны «Дөверие телефон» йылысь.

«Голоса надежды» агитбригадаө пырөны

челядльөн да том йөзлөн творчество дворечысь томулов (веськөдлысьыс Елена Тарасова). Ныв- зон тшөкыда ветлөны юркараса учреждениеасті да юөртөны «Дөверие те- лефонлөн» удж йылысь.

Май чөж «Дөверие те- лефон» службаысь спе- циалистъяс воласны Сыктывкарса школаясө, нуөдасны класснөй час, «пось линия» да «Твой друг - телефон доверия» акция.



Айму вöсна Ыажыа тыш дырйи...

★ Айму вöсна ыджыд тыш дырйи уна сикас фронтын служитис 60 сюрс пон. Нель кока боеч-диверсантыас бырөдисны вөрөглысь уна эшелон. 300-ысь унджык бронетехника пузувтисны пон-истребительяс. Пон-связистыяс вайисны 200 сюрс колана юөр. Тыш вылысь кыскисны 700 сюрс сьöкыда ранитчөм салдат-командирөс. Пон-сапёртыяс отсөтөн минаысь весалöма 303 кар да мукөд ин. Виддалöма 15.153 квадратной километр пасыта ин, бырөдöма 4 миллионысь унджык вөрөглысь мина да фугас.

★ 1945 вося Берлинскöй операция пыртöма Гиннес небөгö, кыдзи истори-яын медся ыджыд тыш. Кыкнан боксянь тышö пырөдчис 3,5 миллион гөгөр морт, 52 сюрс öрудие да миномёт, 7.750 танк да 11 сюрс самолёт.

★ Великобританиясыа премьер-министр У.Черчилль И.Сталинлы аслас шыödчöмын Сталинград вöсна тышын Сöветскöй войскалысь вермөмсö шуöма шензöданаөн. Сийö ыстöма Сталинградö меч, кытчö пасйöма роч да англия кывъясөн: «Гражданам Сталинграда, крепким, как сталь, от Георга VI в знак глубочайшего восхищения британского народа».

★ Уна странаын, тшöтш и Францияын, Великобританияын, Бельгияын, Италияын, «Сталинград» нимөн шуöма уна улица, сквер, площадь. Парижын, шуам, Сталинградөн нимтöма площадь, бульвар да метро станция. Италияын Сталинградөн шуöма Болонья карлысь медшөр уличасö.

★ Победалысь збыльывса Знамя видзöны вежа реликвия моз Вооружённой силалон медшөр музейын. Сийös оз позь видзны сувтса ногөн: сатин дöра мед оз тшык. Знамясь водтöдöма да вевтгöма торья бумагаөн. Сылөн пуысь перйöма 9 көрттув - наөн 1945 вося майын тувъявлисны сы дорö дöрасö. Көрт тув шляпаыс заводитис сёмны да тшыкөдны дöрасö. Победа Знамя видзöm могысь лöсьдöдöма дубликат. Унаөн нин чайтöны сийös збыльывсаөн. И весиг «пöрысьмö» сийö кыдзи и збыльывсаыс, кодös кыпöдлисны рейхстаг вылö.

★ Война дырйи вөлöма 80 сюрс сöветскöй офицер-нывбаба.

★ «Смуглянка» сьыланкыв гижис Анатолий Новиков 1940 воын, а сьыв-сис сэни гражданскöй войнадырся молдаванка-партизанка йылысь. А нималис сьыланкывйыс сöмын 1974 воын «В бой идут одни старики» кино бöрын.



Катюша.

Запевали песню запевали,
Подпевали все до одного,
И она им сердце согревала
Только жаром сердца своего!

Только тем, что прямо пала в душу,
Стала солнцем, явью и мечтой,
Нашей русской девушкой Катюшей,
Сероглазой девушкой простой.

Шла Катюша с гневом или болью,
От Советской родины вдали,
И бровинки тонкие, собольи,
Как сошлись, расстаться не могли!

А.Прокофьев

«Коми йöзöдчан керка»
Коми Республикасыа
автономной учреждение.
Веськөдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юөр сетан Коми
Республикасыа агентствö.
Регистрируйтöма
2007 вося ноябрь 28 лунö
йöзлы юөр сетöm да
культурасыа озырлун видзöm
кузя оланпасыас
збыльмөдöm бöрся
видзöдысь федеральной
службалөн Беломорскöй
управлениеын.
Регистрируитан пас:
ПИ №ФС 3-0686.
Социальной тöдчанлуна
гижöдыяссö йöзöдöма «Коми
йöзöдчан керка» автономной
учреждениеылы печатъ да юөр
сетан КР-са агентствоөн
вичмөдöm сьöm вылö.



Редакциялөн адрес:
167982, Сыктывкар,
К.Маркс улица,
229-öd керка,
401-402 кабинетяс.
Тел. 24-12-22, 24-36-49.
E-mail: Yologa@mail.ru



**Редакцияын
уджалысьяс:**
том йöзлөн мытшöдысь
юкөнөн веськөдлысь –
Надежда Пунегова;
письмö юкөнөн
веськөдлысь –
Екатерина Микушева.



Медводдза лист бокас
снимокыс
Екатерина
Микушевалөн.



Авторъяслөн мөвпъяс оз
пыр лöсьяны редакциялөн
видзöдласкөд.



Тираж – 768.
Гижöдчан индекс – 52099.
«Йöлогa» газет петö
1991-öd восянь
вежоннас öтчыд, комиөн.



Печатö кырымалан кад:
график серти – май
толъыслөн 6-öd лунö
16 часын; кырымалöма
печатö 16 часын.
Газет печатайтöма
«Коми республиканскöй
типография» ООО-ын дас
оригинал-макетъясысь.
167610, Сыктывкар,
В.Савин улица, 81
Заказ №

Мастер-КЛАСС

Со и май төлысь нин ывла вылын. А такöд тшöтш и Победа лун. Тайö лунö ставным кутам аттьöавны ветеранъясöс, Айму вöсна Ыджыд тышын вермысьясöс. Быд олöма мортлы окота сетны ичöтик козин. Сыктыварса 80 номера челядьлы садйын уджалысь Вероника Нестерова миян лыддьысьяслы вöзйö вöчны май 9 лун кезлö открытка.


Чолöмав ветеранöс!



Та вылö колö: уна рöма каба-ла, туалетной бумагалысь сюрöс-сö (тубус), степлер, клей, ножич, маркер, серпасаян краска либö гуашь.



1. Медводз вöчам открыткалысь сюрöс-сö. Киö босьтам кызджык каба-ла да кусыньтам шöри. Сэс-ся сэтчö жö шöрас клеитам пемыд рöма, ичöтджык да мичаа вундöм каба-ла.



2. Та бöрын открытка вылас öтар-мöдарсяныс клеитам турунвиж рöма вöсныдджык визьяс.

3. Сэсся босьтам открыткалысь сюрöс-сö да бөрвысяныс вундам «тшупöдьяс». Бөр бергöдам.

4. Киö босьтам вижовгöрд каба-ла. Сыысь вöчам георгиевской ленточка. Каба-ла вылö маркер отсöгөн вöчам сьöд визьяс.



5. Сэсся тубусысь вундам не-ыджыд тор да артмöдам сыысь Куслытöм би. Пуктам тшупöд вылö, степлер отсöгөн крепитам.

6. Тубуслысь коляс-сö клеитам гöрд каба-лаөн да вундам сэтысь «9» цифра. Сэсся тшöтш степле-ралам.

7. Гöрд каба-лаысь вундам «öзйысь би», крепитам.

8. Медбöрын уна рöма краска отсöгөн серпасалам салют, гöрд гвоздикаяс да виччысям бура косьмöм.

Ыджыд Вермöм лунөн!

